

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), a u vezi sa članom 171. Zakona o socijalnoj zaštiti zaštiti civilnih žrtava rata i zaštiti porodice sa djecom („Službene novine Kantona Sarajevo“, broj 38/14 – Prečišćeni tekst, 38/16, 44/17, 28/18, 52/21 i 40/22) i člana 25. Statuta Općine Stari Grad Sarajevo („Službene novine Kantona Sarajevo“, broj: 20/13 – Prečišćeni tekst) Općinsko vijeće Stari Grad Sarajevo na sjednici održanoj dana \_\_\_\_\_ donijelo je

(Nacrt)

## **PRAVILNIK**

### **O DODJELI NOVČANIH SREDSTAVA ZA SUFINANSIRANJE TROŠKOVA MEDICINSKI POTPOMOGNUTE OPLODNJE**

#### **Član 1.**

##### **(Predmet pravilnika)**

Pravilnikom o dodjeli novčanih sredstava za sufinansiranje troškova medicinski potpomognute oplodnje uređuju se uslovi, kriteriji, postupak i način ostvarivanja prava na sufinansiranje troškova medicinski potpomognute oplodnje, te međusobna prava i obaveze Općine Stari Grad Sarajevo (u daljem tekstu: Općina) kao davaoca sredstava i korisnika sredstava.

#### **Člana 2.**

##### **(Cilj)**

Cilj lokalne zajednice je da kroz djelovanje u sistemu socijalne zaštite izdvajanjem sredstava iz budžeta općine stvori bolje uslove za porodičan život jačanjem pronatalitetne politike.

#### **Član 3.**

##### **(Sredstva)**

- (1) Finansijska sredstva za sufinansiranje troškova medicinski potpomognute oplodnje planiraju se u budžetu općine za svaku tekuću godinu.
- (2) Sredstva iz stava (1) ovog člana dodjeljuju se na osnovu Javnog poziva koji se objavljuje na web stranici općine i ostaje otvoren do kraja tekuće godine ili do utroška sredstava predviđenih za te namjene.

#### **Član 4.**

##### **(Način ostvarivanja prava)**

Zahtjev sa potrebnom dokumentacijom, propisanom Javnim pozivom, bit će formulisan na posebnom obrascu koji čini sastavni dio ovog Pravilnika.

## **Član 5.**

### **(Uslovi)**

Uslovi za ostvarivanje prava na dodjelu novčanih sredstava za sufinansiranje troškova medicinski potpomognute oplodnje su:

- 1) da je podnosilac zahtjeva u bračnoj ili vanbračnoj zajednici;
- 2) da je bračna zajednica postojala prije početka postupka medicinski potpomognute oplodnje;
- 3) da je vanbračna zajednica postojala najmanje tri godine prije početka postupka medicinski potpomognute oplodnje;
- 4) da oba partnera imaju prebivalište na području Općine Stari Grad Sarajevo najmanje tri godine prije podnošenja zahtjeva;
- 5) da žena kojoj se pruža usluga medicinski potpomognute oplodnje u trenutku podnošenja zahtjeva nema navršene 43. godine života;
- 6) da postupak za koje se traži sufinansiranje troškova potpomognute oplodnje nije okončan;
- 7) da je preporučeno od strane zdravstvene ustanove ostvarivanje potomstva postupkom medicinski potpomognute oplodnje.

## **Član 6.**

### **(Ostvarivanje prava)**

Pravo na dodjelu novčanih sredstava za sufinansiranje troškova medicinski potpomognute oplodnje partneri mogu ostvariti jednom u toku kalendarske godine u iznosu od 1.500,00 KM, uz ispunjavanje uslova iz člana 5. ovog Pravilnika.

## **Član 7.**

### **(Potrebna dokumentacija)**

Uz zahtjev za dodjelu novčane pomoći iz člana 1. ovog Pravilnika, obavezno se prilaže sljedeća dokumentacija:

- 1) Uvjerenje o kretanju za oba partnera;
- 2) Izvod iz matične knjige vjenčanih za bračne partnere;
- 3) Izjava data pod punom materijalnom i krivičnom odgovornošću uz dva svjedoka, o postojanju vanbračne zajednice, najmanje tri godine prije podnošenja zahtjeva, u smislu odredbe člana 3. Porodičnog zakona Federacije Bosne i Hercegovine;
- 4) Preporuka zdravstvene ustanove koja se bavi medicinski potpomognutom oplodnjom, odnosno mišljenje ljekara specijaliste ginekologije, sa napomenom da postupak nije okončan.

## **Član 8.**

### **(Razmatranje zahtjeva)**

- (1) Po provedenom postupku po zahtjevu za dodjelu novčanih sredstava za sufinansiranje troškova medicinski potpomognute oplodnje nadležna služba za socijalnu zaštitu će

Općinskom načelniku dostaviti Zaključak o priznavanju prava za sufinansiranje postupka medicinski potpomognute oplodnje.

- (2) Ukoliko se utvrdi da nisu ispunjeni uslovi za ostvarivanje prava na dodjelu novčanih sredstava za sufinansiranje troškova medicinski potpomognute oplodnje u skladu sa odredbama ovog Pravilnika, podnosilac zahtjeva će o tome biti obaviješten aktom nadležne službe.

#### **Član 9. (Pravdanje sredstava)**

- (1) Pravdanje isplaćenih sredstava vršit će se po okončanom postupku medicinski potpomognute oplodnje, ovjerenom kopijom fiskalnog računa ili drugim odgovarajućim dokazom kojim će se utvrditi da je postupak medicinski potpomognute oplodnje za koje su sufinansirana sredstva okončan.
- (2) Pravdanjem sredstava iz stava (1) ovog člana partneri su dužni izvršiti u roku od 60 dana po okončanom postupku medicinski potpomognute oplodnje.
- (3) Korisnici koji ne budu opravdali dodjeljena sredstva, u roku iz stava (2) ovog člana dužni su ista vratiti na transakcijski račun Općine Stari Grad Sarajevo.
- (4) Ukoliko dodjeljena sredstva iz stav (3) ovog člana ne budu vraćena, ista će se potraživati putem nadležnog suda.

#### **Član 10. (Neriješeni zahtjevi)**

Postupci koji su započeti prije stupanja na snagu ovog Pravilnika, okončat će se po proceduri propisanoj ovim Pravilnikom.

#### **Član 11. (Stupanje na snagu)**

Ovaj Pravilnik stupa na snagu osmog dana od dana objavljivanja u „Službenim novinama Kantona Sarajevo“.

**PREDSJEDAJUĆI OPĆINSKOG VIJEĆA  
STARI GRAD SARAJEVO**

**Seid Škaljić**

Broj:  
Sarajevo, januar 2024. godine

## OBRAZLOŽENJE

### PRAVNI OSNOV

Pravni osnov za donošenje pravilnika o dodjeli novčanih sredstava za sufinansiranje medicinski potpomognute oplodnje sadržan je u članu 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), a u vezi sa članom 171. Zakona o socijalnoj zaštiti zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/2014 – Prečišćeni tekst, 38/2016, 44/2017, 28/2018, 52/2021 i 40/2022) i člana 25. Statuta Općine Stari Grad Sarajevo („Službene novine Kantona Sarajevo“, broj: 20/13 – Prečišćeni tekst) utvrđeno je da je za donošenje propisa i akata u okviru prava i dužnosti Općine nadležno Općinsko vijeće.

### RAZLOZI ZA DONOŠENJE PRAVILNIKA

Općinski načelnik Općine Stari Grad Sarajevo je donio Pravilnik o dodjeli novčanih sredstava za sufinansiranje troškova medicinski potpomognute oplodnje za osobe sa teritorije Općine Stari Grad Sarajevo, broj: 01-04-4-943/22 od 19.04.2022. godine kojim su utvrđeni uslovi, način i postupak za ostvarivanje prava na dodjelu naznačenih sredstava. Uvažavajući odredbe člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09) kojim je utvrđena nadležnost Općinskog načelnika kao izvršnog organa jedinice lokalne samouprave, a u vezi sa članom 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09) kojim je utvrđeno da Općinsko vijeće u okviru svojih nadležnosti donosi odluke o raspolaganju imovinom jedinice lokalne samouprave utvrđeno je da je naprijed navedeni Pravilnik donesen od strane nenadležnog organa.

S obzirom na činjenicu da je u Bosni i Hercegovini u posljednjim godinama zabilježen znatan pad nataliteta, ovim Pravilnikom će se omogućiti realizacija sufinansiranja troškova medicinski potpomognute oplodnje, te naj način pokazati društvena odgovornost lokalne zajednice kroz pružanje finansijske pomoći za navedene postupke.

### FINANSIJSKA SREDSTVA

Za provođenje odredbi ovog Pravilnika planirana su finansijska sredstva u Budžetu Općine Stari Grad Sarajevo.

\_\_\_\_\_  
Prezime (ime jednog roditelja) ime

\_\_\_\_\_  
Adresa podnosioca

E-mail: \_\_\_\_\_

Mob: \_\_\_\_\_

OPĆINA STARI GRAD SARAJEVO  
Služba za boračko - invalidsku i socijalnu zaštitu

**PREDMET: ZAHTJEV ZA OSTAVIRANJE PRAVA NA DODJELU  
NOVČANIH  
SREDSTAVA ZA SUFINANSIRANJE TROŠKOVA MEDICINSKI POTPOMOGNUTE  
OPLODNJE**

**Prilažem ovjerene fotokopije slijedeće dokumentacije:**

- 1) Izvod iz matične knjige vjenčanih za bračne partnere;
- 2) Ovjerena izjava uz dva svjedoka o trajanju vanbračne zajednice najmanje 3 (tri) godine prije podnošenja zahtjeva za vanbračne partnere;
- 3) Uvjerenje o kretanju (MUP Kantona Sarajevo) za oba partnera;
- 4) Preporuka zdravstvene ustanove koja se bavi medicinski potpomognutom oplodnjom, odnosno  
lijekara specijaliste ginekologije sa napomenom da postupak nije okončan;
- 5) Potvrda banke o otvorenom tekućem računu za podnosioca zahtjeva.

zahtjeva:

Podnosilac

Sarajevo, \_\_\_\_\_ . godine

**NAPOMENA:** Sve fotokopije moraju biti ovjerene.  
Datum izdavanja priloženih dokumenata ne smiju biti stariji od 6 (šest) mjeseci.